

CONVENIO DE COLABORACIÓN ENTRE A CONSELLERÍA DO MAR DA XUNTA DE GALICIA E A UNIVERSIDADE DE VIGO PARA A CELEBRACIÓN DO XX CONGRESO DO INSTITUTO INTERNACIONAL DE ECONOMÍA E COMERCIOS PESQUEIROS EN VIGO, NO ANO 2022

En Santiago de Compostela, o día _____, na sede da Consellería do Mar,

REUNIDOS

Dunha parte, Don Antonio Basanta Fernández, en calidade de director xeral de Pesca, Acuicultura e Innovación Tecnolóxica, actuando en nome e representación da Consellería do Mar, por delegación da conselleira, en virtude das facultades delegadas que lle confire a ORDE do 21 de febreiro de 2022, da mesma consellería, publicada no DOG núm. 41, do 1 de marzo e, de conformidade co Decreto 50/2021, do 11 de marzo, polo que se aproba a estrutura orgánica da Consellería do Mar.

E doutra, D. Manuel Joaquín Reigosa Roger, Reitor Magnífico da Universidade de Vigo, nomeado segundo o Decreto da Comunidade Autónoma de Galicia 110/2022, de 9 de xuño, publicado no Diario Oficial de Galicia (DOG) nº117, do 20 de xuño de 2022, de acordo coas competencias que lle outorga o artigo 20 da Lei orgánica 6/2001, do 21 de decembro, de Universidades, e o artigo 29 dos Estatutos da Universidade de Vigo, aprobados polo Decreto 13/2019, do 24 de xaneiro, e publicados no DOG nº 38, do 22 de febreiro do 2019. Con enderezo en Edificio Exeria, campus universitario, 36310 Vigo.

EXPOÑEN

PRIMEIRO:

Que a actividade pesqueira, marisqueira e acuícola é un dos principais motores da economía galega que sitúa a Galicia, pola riqueza da súa produción, como a primeira das comunidades pesqueiras da Unión Europea.

SEGUNDO:

Que o Estatuto de Autonomía de Galicia atribúe á Comunidade Autónoma, no seu artigo 28º, a competencia para o desenvolvemento lexislativo e a execución da lexislación do Estado no ámbito da ordenación do sector pesqueiro. Neste sentido o artigo 3.4 da Lei 11/2008, do 3 de decembro, de pesca de Galicia, modificada pola Lei 6/2009, do 11 de decembro, inclúe dentro das materias correspondentes á competencia da Comunidade Autónoma as relativas á ordenación do sector pesqueiro galego, á ordenación das estruturas, aos mercados, á comercialización, á manipulación, á transformación e á conservación dos produtos pesqueiros e a promoción das estruturas de comercialización mediante o apoio aos sectores produtivos na distribución dos produtos do mar.

Neste sentido a Consellería do Mar ten entre os seus obxectivos prioritarios a potenciación, difusión e promoción dos sectores e produtos pesqueiros galegos, co fin de intensificar o coñecemento dos mesmos e incrementar así a súa competitividade.

TERCEIRO:

Que o XX Congreso Internacional Bianual del Instituto Internacional de Economía e Comercios Pesqueiros, en inglés, "International Institute of Fisheries Economics and Trade" (IIFET) celebrarase en Galicia do 18 ao 22 Xullo de 2022. Neste Congreso, ao redor de 400 economistas, responsables e xestores públicos e membros da industria de rexións pesqueiras ao longo do mundo, encontraranse en Galicia para debater sobre temas relacionados fundamentalmente con: Xestión de pesquerías; Planificación espacial mariña; Bioeconomía; Mercados de produtos do mar e comportamento dos consumidores; Comercio internacional, acordos, barreiras e conflitos; Dimensión de xénero en pesca e acuicultura; Contribución da pesca e acuicultura á nutrición, Seguridade alimentaria e atenuación da pobreza en PVD. Unha das xornadas dedicárase á Política Pesqueira e nela intervirán representantes políticos e de organizacións

internacionais como é o caso da FAO.

Que a Universidade de Vigo ten subscrito/firmado un compromiso co Instituto Internacional de Economía e Comercios Pesqueiros (IIFET) apoiando o evento e avalando académica i economicamente a devandita actuación.

Que o Instituto Internacional de Economía e Comercios Pesqueiros (IIFET), agrupa a moitos profesionais e especialistas de todo el mundo e ten a súa sede en Estados Unidos. Que o Congreso Bianual ten, dende hai corenta anos, unha ampla repercusión no ámbito pesqueiro e que as edicións anteriores tiveron lugar en diferentes lugares América, Europa, Asia, África, Australia e Nova Zelandia, téndose celebrado as últimas en Aberdeen (Escocia) e Portland (Oregón).

Que a Consellería do Mar e a Universidade de Vigo consideran que este evento é de gran significación para Galicia e para o sistema universitario de Galicia, reforzado pola significación das actividades marítimas e pesqueiras nesta Comunidade.

CUARTO:

Que as partes anteriormente referenciadas consideran de mutuo interese a realización do XX Congreso Internacional Bianual del Instituto Internacional de Economía e Comercios Pesqueiros en Vigo pola importancia que representa este evento para a Comunidade Autónoma.

QUINTO:

Que para o desenvolvemento das actividades que se indican máis adiante, as partes, de forma conxunta, dispoñen de medios humanos e materiais suficientes.

Na súa virtude, e dada a existencia dun interese coincidente, ambas partes acordan formalizar o presente convenio de acordo coas seguintes

CLÁUSULAS

PRIMEIRA.- OBXECTO DO CONVENIO

O obxecto do presente convenio é establecer as bases de colaboración entre a Consellería do Mar e Universidade de Vigo para a celebración do XX Congreso Internacional Bianual del Instituto Internacional de Economía e Comercios Pesqueiros en Vigo. As accións específicas que se van realizar derivadas deste obxecto son as que seguen:

- Realización de degustacións de produtos do mar e *coffe breaks*, durante a celebración do congreso.
- Secretaria técnica.
- Elaboración dun portal web para a xestión de inscritos e para o programa do congreso.
- Custos de loxística e local, no Auditorio do Mar de Vigo.

SEGUNDA.- CONDICIÓN ECONÓMICAS

A Consellería do Mar contribuirá á realización das accións comprendidas no obxecto do presente convenio cunha achega económica, que ten como finalidade compensar a Universidade de Vigo polos gastos nos que incorre como consecuencia de levar a cabo as actuacións obxecto do convenio, cifradas na cantidade de dezaioito mil cento cincuenta euros (18.150,00 €), con cargo á aplicación orzamentaria 2022.15.02.723B.640.0, código de proxecto 2016 00286S, dos presupostos xerais da Comunidade Autónoma de Galicia para 2022, sendo esta partida económica axeitada para asumir o custo desta acción por considerarse pola súa propia natureza como un activo configurado como un investimento de carácter intanxible que deberá incrementar o valor das políticas públicas acometidas pola Consellería do Mar neste ámbito e que non dará lugar a investimentos reais de carácter material.

As actuacións recollidas no presente convenio son financiáveis, nun 75 %, co Fondo Europeo Marítimo da Pesca (FEMP). Faise constar tamén a elixibilidade da actuación que se pretende a través da contratación que se propón no marco da Prioridade da Unión, Obxectivo e Medida do FEMP: 5.1.3: Medidas de comercialización, prevista no artigo 68 do Regulamento (UE) 508/2014, do 15 de maio. Esta participación farase constar en todas cantas actuacións se realicen ao abeiro deste convenio.

A Universidade de Vigo empregará a totalidade da achega económica desta cláusula nas accións derivadas do obxecto deste convenio, non obtendo ningún beneficio económico desta consignación orzamentaria.

Poderanse facer pagos parciais contra da presentación das facturas polos investimentos inmateriais realizados, ás que se xuntarán as memorias de cada actividade e as certificacións actualizadas expedidas por cadansúa administración que acrediten que a entidade está ao corrente nas súas obrigas tributarias e sociais, así como que non ten débedas pendentes contraídas coa administración da Xunta de Galicia. As facturas deberán ser conformadas pola Dirección Xeral de Pesca, Acuicultura e Innovación Tecnolóxica para estes efectos.

Para facer efectivo o último pagamento presentarán a memoria final á que se fai referencia na cláusula terceira seguinte.

TERCEIRA.- OBRIGAS

A Universidade de Vigo obrígase a realizar as accións especificadas na cláusula primeira do presente convenio.

No marco do presente convenio, a Universidade de Vigo obrígase a facer constar a participación da Consellería do Mar e do Fondo Europeo Marítimo e de Pesca (FEMP) nas exhibicións publicitarias que teñan lugar no marco deste convenio.

Finalmente presentará diante da Consellería do Mar unha memoria descritiva da realización do obxecto do convenio; así como unha conta de resultados en relación á finalidade do convenio, que abranca todos os gastos e ingresos nos que se incorreu na

organización dos eventos obxecto do convenio.

Ademais, deberá aportar xustificantes dos gastos realizados; que consistirán, de forma xeral, nas facturas desagregadas e demais xustificantes de gasto de valor probatorio equivalente, contratos (de obra ou servizo) e nóminas; detalladas o máximo posible. Así mesmo deberá presentar xustificantes de pago referidos ás facturas e demais xustificantes de gastos aportados. Os xustificantes bancarios deberán soportar o número de factura ou facturas pagadas no caso de transferencias, así como o beneficiario, importe, emisor e data, entre outros, de tal xeito que se poida seguir a rastrexabilidade da operación xustificada.

CUARTA.- RÉXIME DE PERSOAL

A realización das actuacións previstas neste convenio non levará consigo ningún tipo de relación de carácter laboral entre a Consellería do Mar e as persoas que interveñan ou puideran intervir na súa execución, sendo a Universidade de Vigo responsable das obrigas sociais e laborais que se puideran derivar da contratación, pola mesma, do referido persoal.

QUINTA.- SEGUIMIENTO

Aos efectos de coidar do cumprimento de estipulado no presente convenio créase unha Comisión de Seguimento do mesmo, que estará composta polo xefe do Servizo de Mercados, en representación da Consellería do Mar, e a presidenta do Comité Organizador IIET2022 . A dita comisión, que se xuntará a petición de calquera das partes, será o mecanismo de actuación conxunta para garantir a efectividade do convenio.

Neste senso, a Universidade de Vigo atenderá ás indicacións, suxestións e requirimentos que se lle formulen desde a Consellería do Mar en relación co obxecto do presente convenio.

SEXTA.- VIXENCIA

A vixencia do presente convenio estenderase desde a súa sinatura e ata o 30 de novembro de 2022, non sendo susceptible de prórroga.

SÉTIMA- RESOLUCIÓN

Serán causa de resolución do convenio o mutuo acordo das partes e o incumprimento das cláusulas contidas no mesmo.

OITAVA.- CARACTER DO CONVENIO

Este convenio ten a natureza dos previstos no artigo 6 da Lei 9/2017, de 8 de novembro, de contratos do sector público e o seu réxime xurídico virá determinado polas estipulacións previstas no propio convenio e os principios xerais resultantes da citada Lei.

NOVENA.- LITIXIOS

As cuestións controvertidas xurdidas sobre a interpretación, modificación, resolución e efectos que puideran derivarse da aplicación do presente convenio deberán ser solucionadas pola Comisión de Seguimento á que se refire a cláusula quinta anterior. Se non se puidera alcanzar dito acordo, as posibles cuestións litixiosas serán de coñecemento e competencia da orde xurisdiccional contencioso- administrativa.

DÉCIMA. AUTORIZACIÓN PARA A PUBLICACIÓN DOS DATOS DOS ASINANTES NO PORTAL DE TRANSPARENCIA

Consonte ao establecido nos artigos 12 a 16 da Lei 19/2013, de 9 de decembro, de transparencia, acceso á información pública e bo goberno en concordancia cos artigos 24 e

25 da Lei 1/2016, do 18 de xaneiro, de transparencia e bo goberno, os asinantes outorgan o seu consentimento para que os datos persoais que constan no convenio e mais no resto das especificacións contidas no mesmo poidan ser publicadas no Portal de Transparencia e Goberno Aberto.

E para que así conste, en proba de conformidade e previa a súa lectura, as partes asinan o presente convenio por triplicado exemplar e a un só efecto no lugar e data ao comezo indicados.

Pola Consellería do Mar

Pola Universidade de Vigo

P.D. (Orde do 21-02-2022,

DOG nº 41, do 01-03-2022)

O director xeral de Pesca, Acuicultura

e Innovación Tecnolóxica

O reitor

Antonio Basanta Fernández

Manuel Joaquín Reigosa Roger



Anexo:

Orzamento proposto axunto ó Convenio (en euros):

Acción	Aportación UVigo	Aportación Conselleria do Mar	Total sen IVE	IVE	TOTAL con IVE
Total Convenio	15000	15000	30000	4847.5	34847.5
Coffe breaks		12250	12250	1225	13475
Secretaría Técnica	2500	2500	5000	1050	6050
Módulos informáticos	250	250	500	0	500
Aluguer Auditorio Mar de Vigo	12250		12250	2572.5	14822.5

